

藝文上

敕諭之文

部憲之文

在唐以前備考之文

入滇以來備考之文

大理史城董氏族譜

卷七

民國十一年歲次壬戌春二月

大理史城董氏族譜

裔孫 沛川 會農 澄農 氏續修印本

大理史城董氏族譜卷七

藝文題名錄附

族之有譜猶郡之有志志書紀藝文始於班固專載書籍名目後世郡國志詩文並載雖與舊例未合古今無妨互用族譜所以莫世繫辨昭穆親親之誼於是乎在藝文非所尚也但作譜之難昔人詳言之世固有譜牒散失世遠難稽幸碑表誌狀遺書故籍之尚存而因以資考證者不詳載之其何以昭信我董氏舊譜鈔本及舊譜續鈔曾載墓碣諸文然或隨錄一二篇彼此無由互證或剝落百餘字首尾不能相明及今不詳考而搜輯之貽誤將來而數典忘祖後之人更罔

聞知矣爰自入滇以來其有關於我董氏者慎加採擇墓文
之外兼錄雜文一編之中畧分三類蓋族譜不因藝文重而
此譜不因藝文成也且夫言禮者徵文而獻亦求備竊以為
族譜亦然藝文文也題名錄獻也因於彙錄之次而以題名
錄附焉譜藝文


大理史城董氏族譜卷七

藝文上

勅諭之文
備考之文

部憲之文
在唐以前
入滇以來備考之文

藝文首勅諭尊上也有文錄文失文存目示不忘也存目必有據不敢誣也凡他文存目皆不敢誣傳信也部文或因公覆准憲文或遵例行咨皆有光於我董氏不可沒也董氏之源遠矣唐時由金陵入滇唐以前則不可考考之為金陵備為由金陵入滇備也入滇以來非在滇不錄非有係於南詔清平官後不錄昭慎也凡以之備考而已非敢謂考之備也



大理史城董氏族譜卷七

藝文上勅諭之文 部憲之文 在唐以前
備考之文 入滇以來備考之文

目錄

召南詔清平官董成等至京召見詔

祭大理土經歷董寶諭

給雲南土官巡檢董錄勅

授中書舍人董森為從仕郎並封森妻李氏為孺人勅

附贈士雲之父玆為徵仕郎兵科給事中並士雲母楊氏為

孺人勅

附授兵科給事中士雲為徵仕郎並士雲妻楊氏為孺人勅

贈董正官之祖父椿為文林承德郎並祖母黃氏為安孺人勅

贈董正官之父汝弼為文林承德郎並母楊氏為安孺人勅

贈董良弼之曾祖父唐為武顯將軍並曾祖母凌氏為

夫人勅

贈董良弼之祖父遜舒為武顯將軍並祖母楊氏為夫人

勅

封董良弼之父嘉蘭為武顯將軍並母董氏為夫人勅

覆准大理府歲貢生董卿崇祀鄉賢批文並設奠祭文

知縣董養中任內達部考語

知縣董養中請官交代並士民公呈事由

起知縣董養中等原官部文

批前明主事董煇裔孫董楸等具稟事由

欽賜雲南舉人董越光祿寺署正職銜文

詳請故宦董越入祀鄉賢公文

旌表忠烈董維清部憲文

庚申續修新增

督院李保薦滇省孝廉方正董廣元等摺

庚申續修新增

古今同姓名錄

姓氏急救篇

氏族箋釋

姓氏聯珠

山川江源第二

六驗第五

南詔傳上

南詔傳中

元雲南土官

明雲南土官

南詔源流

南徽名家

大理史城董氏族譜卷七

藝文上

勅諭之文

召南詔清平官董成等至京召見詔

唐咸通年
新唐書

謹案詔文無存事載新唐書南詔傳並雲南通志
大理府志大畧相同詳後入滇以來備考之文

祭大理府土經歷董寶諭

明洪武年
一統志

謹案諭旨無存載明一統志清一統志並雲南通志大
理府志順寧府志大畧相同詳後入滇以來備考之文

給雲南土官巡檢董錄勅

明洪武年
聖應
墓志

謹案勅命無存事載明侍御李元陽董君鳳伯墓志鳳伯
諱難巡檢錄元孫詳後入滇以來備考之文並墓碣之文

授中書舍人董森為從仕郎並封森妻李氏為孺人勅

明宏治年
宏
圭山勅封碑

奉

天承運

皇帝制曰國家綸命實中書舍人掌之而職親地密選任尤
重其有授是職而侍書親藩榮膺禮遇者非其操履敬慎
書翰精專曷克稱焉爾中書舍人董森蚤由鄉薦簡擢今
官密邇清光恭勤弗懈顧請封之有自見恩禮之特加是
用進爾階從仕郎錫之勅命以為爾榮夫官列鵷班身依
天階仕而值此爾亦云美矣爾其益端乃心益懋乃學夙
夜効職以圖報稱庶無忝於嘉命欽哉

制曰人倫始於夫婦風化本於閨門朝廷褒寵臣下必及其
配者所以示從夫之義彰內助之勤也爾中書舍人董森
妻李氏克敦婦道善相其夫夫既顯庸爾宜偕貴茲特封
為孺人服此隆恩永光閭範

誥命

宏治 年 月 日

之 寶

附贈士雲之父玠為徵仕郎兵科給事中並士雲母楊氏為

孺人勅明嘉靖年宏

謹案徵仕郎以清制考之係從七品六科給事中係正五
品誥授奉政大夫妻封宜人與明制互異考玠公載舊大

理府志封贈類碑士雲公於正德己卯冬授工科給事中
嘉靖丁酉補兵科給事中尋轉戶科給事中甲寅年卒伏
考重氏氏系自南詔清平官成至玠公為十六世孫錄此
見祖宗功德貽於後人而出為人後者亦不可忘其本宗
云

奉

天承運

皇帝制曰朕聞積善徵於餘慶盛德驗於遠人固天人相感
之徵亦父子相繼之美也爾楊玠乃兵科給事中士雲之
父嚴毅忱恂崇賢興禮律已以介處眾以和尤能衛正闢
邪不徇時俗鄉里之人咸愛而重之篤生令子為國良臣
茲以大享覃恩特贈為徵仕郎兵科給事中用闡幽光亦

勸來者

制曰古之賢母淑德懿行載在史冊不有嗣以顯揚之罔克
表見於世爾楊氏乃兵科給事中士雲之母柔順貞靜恭
懿惠和以勤儉克家以嚴慈教子婦儀母則足以節世而
勵俗則猶及見子登顯要為國忠蓋亦可慰也茲特贈為
孺人尚歆明命永光幽壤

誥命

嘉靖十八年三月十九日

之寶

附授兵科給事中士雲為徵仕郎並士雲妻楊氏為孺人勅

奉

天承運

皇帝制曰國家設六科給事中掌侍奉左右分判省事又政
令之不便於時賢良之遺滯於下者法得以狀奏聞責甚
重矣非剛正廉介屬於朕衷者夫豈輕授爾兵科給事中
楊士雲奇特卓偉早領鄉解積學敏修雋登甲第儲養詞
林簡列言路迺以哀死戀生謝勞養志休於遐服亦既有
年憲臣交薦士論攸歸咸謂爾學行純實孝友備至邇復
今任尤見老成練達謨謀宏遠糾摘彈壓能識大體武弁
震肅風采動人舊望新聞益有光矣茲以大享覃恩特授

爾階徵仕郎錫之勅命爾尚振起綱維嫉邪衛正以永終
譽朕有顯陟以觀厥成欽哉

勅曰人臣奉身顯力靖共有位蓋必有賢伉儷者為之助也
苟寵華之典不均焉又何以為勸哉爾兵科給事中楊士
雲妻陽氏和順貞淑恭惠安莊砥儉勵勤久而彌篤躬修
婦道克紹姑氏休風用是相厥夫子業官不懈克勵廉慎
其賢矣哉宜有壺褒以彰壺則茲特封為孺人服此綸先
益修懿德

誥 命

嘉靖 十八年 三月 十九日